

ردينه يا عباس
انهض يا بو النوماس
آني اختك المسبيه

✽ ✽ ✽

ردينه يا بو السجاد
شحي لك ابهاالميعاد
عاشر ما خلص يومه
ما تهنه لي لا نومه
والعاشر چنه ينعاد
وشگد منكسر لفاد
تلزمني كل اهمومه
وبعيني طيف الحومه

درا ت بينه ليام
آني اختك المسبيه
ابولية الظلام

✽ ✽ ✽

عاشر وشيجبر جرحه
ابقلي نابت رمحه
يتمني سبط العتره
اقلبي اتزلزل صبره
وش يقضي دمعة نوحه
ما أنسى مظلّم صبحه
من عفته فوق الغبره
عالتله أصعب نظره

ردينه يا مذبوح
آني اختك المسبيه
وما ردت ليّه الروح

✽ ✽ ✽

ردينه لچ يا لطفوف
ابتريچ دمه لحتوف
هالسفر قووض عمري
ما أدري شلي يجري
خطار ابدمع مذروف
ابأرضچ عمري مخطوف
ما بين الدمعه وصبري
من ساعه إلساعه أمري

ردينه امن الشام
آني اختك المسبيه
مقساها من أيام

يسمع آهات أحزاني	يا هو ينهض يخواني
من يحملني لوطاني	رديت أحمل أشجاني
يبن أُمي دسمع عتبي	چم غصه تبهض قلبي
يحميني ابسفر دربي	اتمنيت الكافل جنبي

تتوجّر الآهات ما تبرد بالدمعات
آني اختك المسبيه

✽ ✽ ✽

أرويها ابدمع منشور	دلوني وينه لقبور
والحسره ابقلب مفطور	ضميانه اندفنت لنحور
يا هو إلينهض ليّه	يخواني ردوا اعليّه
تروي غصة مسبيه	خيتكم جت محنيّه

ما تنهض يا كافل ردت المحامل
آني اختك المسبيه

✽ ✽ ✽

أحمل همّي وأكداري	باچر ارجع لدياري
يم قبره ابدمعي الجاري	أشكي الجدّي أسفاري
وي أهلي وأم لبنين	ماتم أنصب لك يحسين
ومصائبك شابح بالعين	امين الصبر قلّي امين

ما ينتهي بلسنين ماتم فقدك يحسين
آني اختك المسبيه